

Turizmi social si mundësi për zhvillim dhe përfshirje sociale



Ministria e Mirëqënies Sociale dhe Rinisë organizoi në Sarandë Konferencën mbi Turizmin Social me pjesëmarrjen e gjërë të aktorëve shtetëror lokal e kombëtar, si dhe të komunitetit të biznesit e donatorëve. “Të gjithëve na pëlqen Saranda në muajt e verës, kur është e populluar nga turistët e shumtë vendas dhe të huaj.

Por ardhja e fundit të gushtit e kthen atë në një vend ku duket sikur jeta mbaron. Por si Saranda

janë dhe shumë qytete të tjera, Himara apo gjithë fshatrat e bregut të detit, ku hotelet dhe vendet akomoduese përgjatë 10 muajve të tjerë të vitit qëndrojnë bosh.” – u shpreh Ministri Klosi.

“Kemi vendosur që të shfrytëzojmë infrastrukturën e ngritur, klimën e ngrohtë, por edhe afërsinë me kryeqytetet europiane, për të zhvilluar në këto zona turizmin social, turizmin për moshën e tretë, apo për personat me aftësi të ndryshme, për t’i populluar këto qytete në të gjithë muajt e vitit”- theksoi Ministri në fjalën tij. Turizmi social përveç mundësisë për zhvillim ofron dhe mundësi për përfshirje sociale të grupeve vulnerabël.

Kapacitete të reja të KMCAP-it EPROR



16 mjekë dhe 4 juristë do të jenë pjesë e katër KMCAP Epror të Shërbimit Social Shtetëror. Këto KMCAP Epror ngrihen për herë të parë për ShSSH dhe në fokus kanë: sëmundjet e shëndetit mendor, sëmundjet e përgjithshme, verbërinë dhe paratraplegjinë. Mjekët dhe juristët u betuan në një ceremoni të mbajtur në Ministrinë e Mirëqënies Sociale dhe Rinisë nga Ministriat Klosi, Beqja, Cani dhe Manjani.

“Që me marrjen e detyrës sime si ministër i MMSR-së u angazhova për t’u dhënë zgjidhje sa më të shpejtë kërkesave të personave me aftësi të kufizuara apo invalidëve të punës për daljen në KMCAP.

Për këtë qëllim vendosëm të shtojmë në 10 numrin e Komisioneve Eprorë të Caktimit të Aftësisë për Punë, për t'i dhënë një trajtim sa më të shpejtë çdo ankese apo pretendimi që çdo individ ka për vendimet e komisioneve të nivelit të parë.” – theksoi Ministri Klosi.

Reforma territoriale një mundësi e re për avancimin e shërbimeve sociale në nivel vendor


Elbasan



Rolet dhe funksionet e Bashkisë në ofrimin e shërbimeve sociale ishin në qendër të Tryezës Rajonale të organizuar nën kujdesin e Prefektit të Elbasanit dhe me pjesëmarrjen e drejtuesve të pushtetit vendor dhe shërbimeve sociale në njësitë vendore në Qark. Në takim morrën pjesë Zv. Ministria Bardhylka Kospiri, Drejtoresha e Përgjithshme e ShSSH dhe Kryetarja e Agjensisë së Mbrojtjes së Fëmijëve.

Reforma territoriale dhe ndryshimet e rëndësishme që po ndodhin në njësitë vendore, janë moment shumë i rëndësishëm, që po vlerësohet si duhet në përpjekjet për të ngritur së pari strukturat e duhura lokale për ofrimin e shërbimeve sociale gjithëpërfshirëse dhe cilësore, e në vijim për planifikimin e ngritjen e shërbimeve që shkojnë përtej pagesave të ndihmës ekonomike.

Berat



Nën drejtimin e Prefektit të Qarkut Berat z. F. Nasufi, dhe me pjesëmarrjen e zv/Ministres së Ministrisë së Mirëqenies Sociale dhe Rinisë zj.Kospiri, Drejtoreshës së Përgjithshme të SHSSH dhe Agjensisë Kombëtare të të Drejtave të Fëmijëve, u organizua takimi rajonal me të zgjedhurit vendor të Qarkut Berat, NJMF dhe administratorë socialë në këtë rajon, nisëm kjo e ndërmarrë nga Drejtorja e Përgjithshme e Shërbimit Social Shtetëror.

Kjo vjen në momentin e duhur, ku reforma territoriale do të ketë ndikimin e saj edhe në ofrimin e shërbimeve sociale ndaj qytetarëve, e në këtë kontekst roli dhe funksioni i bashkive në ofrimin e këtyre shërbimeve do të varet shumë nga menaxhimi korrekt i tyre në nivel vendor.

Vlerësimi i burimeve njerëzore, organizimi i strukturës vendore me sektorë funksionalë e me qasje bashkëkohore, do të rrisë përmirësimin e shërbimeve ndaj grupeve vulnerabël.

Lezhë



Bashkë me drejtuesit vendor të Qarkut të Lezhës diskutuam mbi rolet dhe funksionet e Bashkive në ofrimin e shërbimeve sociale për grupet vulnerabël. Shumë të rëndësishme idetë dhe shqetësimet që ata ngritën në tryezë për ta bërë mbrojtjen dhe përfshirjen sociale të grupeve vulnerabël një realitet të kudo ndodhur në nivelin vendor.

Tryeza

"Reflektim mbi zbatimin në praktikë të Standarteve të Përkujdesit Shoqëror në Institucionet e Përkujdesit për Fëmijët"



Me qëllim garantimin e ofrimin të shërbimeve cilësore në interesin më të lartë të fëmijëve, duke rritur kapacitetet profesionale të stafeve të qendrave rezidenciale për fëmijë, në datat 25 dhe 26 nëntor Shërbimi Social Shtetëror në bashkëpunim me organizatën "Terre des Hommes, organizoi Tryezën me teme "Reflektimi mbi zbatimin në praktikë të Standarteve të Përkujdesit Shoqëror në

Institucionet e Përkujdesit për Fëmijët"

Në Tryezë morën pjesë drejtues dhe përgjegjës të sektorit social të qendrave rezidenciale publike dhe jo publike. Diskutimet e të gjithë aktorëve u përqëndruan në zbatimin në praktikë të standarteve të përkujdesit për fëmijë, duke ndarë praktikat pozitive dhe sfidat. Pjesëmarrësit

dhanë mendime të vlefshme për nevojën e rishikimit të standarteve. 19 institucione jo-publike u përfshinë aktivisht në diskutime, në një tryezë që mbledhi për herë të parë bashkë akorët publik dhe jo-publik të shërbimeve rezidenciale

"Ti mbajmë Fëmijët të Sigurt"



Në kuadër të bashkëpunimit midis Shërbimit Social Shtetëror dhe "Terre des hommes" me synim përmirësimin e ofrimit të shërbimeve të kujdesit dhe mbrojtjes për fëmijët në Institucionet e Përkujdesit Shoqëror, përmes forcimit të kapaciteteve të stafit, për të garantuar ofrimin e shërbimeve cilësore në interesin më të lartë të fëmijëve, bazuar në standartet e shërbimeve shoqërore, në 11

Nëntor 2015, në ambientet e Shtëpisë së Fëmijës "Zyber Hallulli", u organizua trajnimi me temë "Mbrojtja e Fëmijëve nga Abuzimi –Njohja me Politikën për Mbrojtjen e Fëmijëve, Standarte dhe Procedurat " Ti mbajmë fëmijët e Sigurt".

Në trajnim morën pjesë 24 pjesëmarrës - staf përkujdesës , kujdestarë gjithashtu kuzhinier, sanitarë, staf i ruajtjes dhe sigurisë fizike, nga Institucionet e përkujdesit Shoqëror "Zyber Hallulli" dhe "Hana Rozafa", të cilët morën njohuri të thelluara mbi konceptin e mbrojtjes së fëmijëve nga format e abuzimit, bazën ligjore ndërkombëtare dhe kombëtare, standarte dhe procedura që garantojnë respektimin e të drejtës të fëmijëve për të qënë të mbrojtur nga çfarëdo lloj forme dhune, keqtrajtimi dhe abuzimi.

Në Fokus të Drejtorive Rajonale

Vlorë

Së bashku me Njesinë për Mbrojtjen e Fëmijëve Bashkia Vlorë, Observatori për të drejtat e Fëmijëve, World Vision dhe Njësia për mbrojtjen e fëmijëve në Këshillin e Qarkut Vlorë, u lançua nisma para anëtareve të Këshillit Bashkiak, që çdo këshilltar të përkujdeset për një grup social të caktuar, për të promovuar talentet, vlerat dhe të drejtat e fëmijëve.

Durrës



Përfaqësues nga njësitë vendore dhe aktorë të shoqërisë civile që punojnë në fushën e mbrojtjes sociale morën pjesë në një workshop të zhvilluar nga Shërbimi Ligjor Falas Tiranë (TLAS) në bashkëpunim me drejtorinë Rajonale të ShSSH Durrës.

Qëllimi i workshopit ishte ndarja e informacionit të ndërsjellë bazuar në situatën konkrete të problemeve ligjore e sociale të individëve apo grupeve në nevojë në komunitetet me të cilat punojmë.

Në fokus në Qendrat e Përkujdesit

Fëmijët festojnë

Me dt 27.11.2015 u zhvillua aktivitet me rastin e festës kombëtare të flamurit “28 Nëntor” që përkon edhe me 89 vjetorin e krijimit të strehës së parë Vorfnore. U zhvilluan aktivitete që përmbanin ekspozitë të pikturave dhe punimeve të tjera artistike të fëmijëve, program artistik nga grupi i fëmijëve të shtëpisë.

Në përfundim të aktivitetit u përzgjedhën dymbëdhjetë piktura më të mira nga juria, të cilat do të përdoren si imazh për realizimin e kalendarit të vitit 2016. Ndërsa çmimi i parë u përzgjedh të jetë kartolina e urimeve të fundvitit nga institucioni i fëmijëve “Z. Hallulli”.

Bashkëpunim i Shtëpisë së Fëmijëve “Zyber Hallulli” dhe Shkollës së Kulinarisë

U nënshkrua një marrëveshje midis shkollës së kulinarisë Neranxi dhe Shtëpisë së Fëmijës “Zyber Hallulli”. Presidenti i shkollës ofroi 7 bursa për fëmijët të moshës së rritur për të marrë një profesion duke i përgatitur fëmijët për jetë të pavarur.

Rrisim njohuritë

Një marrëveshje e re bashkëpunimi midis Universitetit “Epoka” dhe Shtëpisë së Fëmijës “Zyber Hallulli”, duke ofruar 1 vit trajnim për përdorimin e kompjuterit me nxënësit e informatikës dhe modelim me nxënësit e arkitekturës. Fëmijët e përfshirë në këtë trajnim i përkasin moshës 8-10 vjeç, pasi është mosha më e përshtatshme për të marrë këto lloje njohurish.

16 ditë fushatë aktive kundër dhunës ndaj grave



Për 16 ditë me radhë do të angazhohemi që të hapim një debat të gjerë për të sensibilizuar çdokënd në luftën kundër fenomenit të dhunës ndaj pjesës më të mirë të familjeve dhe shoqërisë sonë, gruas. Ndërgjegjësimi nis nga të gjithë ne! Në datën 25 nëntor Strehëza Kombëtare e nisi fushatën sensibilizuese me fëmijet e shkollës 9 vjeçare "1 Qershor".